

## Thià<sup>n</sup> — Phóphiàn ê Simlêng Insù

**13** Góa nāchún ēhiáu kóng tak chióng lāng ê òegí, sīmchì thi<sup>n</sup>sài ê imgí, nā bô thià<sup>n</sup>, góa kóngōe tòh bē su sī hiángliāng ê tōalô, á sī khengkhiang kiò ê nāpoáh. <sup>2</sup> Góa nāchún ū thoán hokim ê insù, mā liáu-kái sǒu ê òpì kah tìsek, sīmchì ū kiankiông ê sìn thang îsan tóhái, nā bô thià<sup>n</sup>, góa tòh lóng bô lōēng. <sup>3</sup> Góa nā ká sǒu ê chāisán lóng thèh lâi chínchè, koh hiàn sengkhu hō hōe sio, nā bô thià<sup>n</sup>, chiahe tāichì tùi góa tòh lóng bô līek.

<sup>4</sup> Thià<sup>n</sup> sī khoaniông koh chūpi, thià<sup>n</sup> sī bē oàntò, bē khoakáu, bē kiaungō, <sup>5</sup> bē chò kiànsiàu ê tāichì, bē kiú kakī ê līek, bē khoài siūkhì, bē khiohhūn, <sup>6</sup> bē ài putgī, chíu ài chinlí. <sup>7</sup> Thià<sup>n</sup> ē pauông itchè, jīchhiá<sup>n</sup> hoānsū sionsìn, hoānsū òngbāng, hoānsū jímnaì.

<sup>8</sup> Thià<sup>n</sup> éngoán bē bô khi; m̄ koh, thoānkáng sìnstit ê insù sī chiāmsī ê, kóng lēnggí ê chāilēng ē bô khi, tìsek mā ē bô khi. <sup>9</sup> Inūi lán ê tìsek bô oānchoân, thoānkáng SiōngChú sìnstit ê chāilēng mā bô oānchoân; <sup>10</sup> oānchoānê nā kàu, bô oānchoānê tòh ē siausit khi.

<sup>11</sup> Góa chò gín'á ê sī, kóngōe chhinchiū<sup>n</sup> gín'á, sèngchēng chhinchiū<sup>n</sup> gín'á, ìkiàn mā chhinchiū<sup>n</sup> gín'á. Ta<sup>n</sup> góa íkeng tóngtāi sēngjīn ā, tòh ká gín'á ê tāichì lóng pàngsak. <sup>12</sup> Lán chit má sī tùi kià<sup>n</sup> teh khò<sup>n</sup>, búbū bô bēng, m̄ koh, kàu hit sī tòh ē tngthâu tūibīn, khò<sup>n</sup> kah chhengchheng chhóchhó. Góa chit má ê tìsek bô oānchoân, m̄ koh, kàu hit sī tòh ē oānchoân liáu-kái, tú chhinchiū<sup>n</sup> SiōngChú oānchoân liáu-kái góa kàngkhoán.

<sup>13</sup> Ta<sup>n</sup> sìn sim, òngbāng, thià<sup>n</sup> chit sa<sup>n</sup> hāng ē éngoán chūnchāi, kítiong siōng tiōnggiàu ê sī thià<sup>n</sup>.

## 疼—普遍 ê 心靈恩賜

**13** 我若準 ē 曉講 tak 種人 ê 話語，甚至天使 ê 音語，若無疼，我講話 tòh bē 輸是響亮 ê 大鑼，á 是 khengkhiang 叫 ê 鑿鉞。 <sup>2</sup> 我若準有傳福音 ê 恩賜，mā 了解所有 ê 奧祕 kah 智識，甚至有堅強 ê 信 thang 移山倒海，若無疼，我 tòh lóng 無路用。 <sup>3</sup> 我若 ká 所有 ê 財產 lóng thèh 來賑濟，koh 獻身軀 hō 火燒，若無疼，chiahe tāichì 對我 tòh lóng 無利益。

<sup>4</sup> 疼是寬容 koh 慈悲，疼是 bē 怨妒，bē 誇口，bē 驕傲，<sup>5</sup> bē 做見笑 ê tāichì，bē 求 kakī ê 利益，bē 快受氣，bē 拾恨，<sup>6</sup> bē ài 不義，只有 ài 真理。 <sup>7</sup> 疼 ē 包容一切，而且凡事相信，凡事 òng 望，凡事忍耐。

<sup>8</sup> 疼永遠 bē 無去；m̄ koh，傳講信息 ê 恩賜是暫時 ê，講靈語 ê 才能 ē 無去，智識 mā ē 無去。 <sup>9</sup> 因為咱 ê 智識無完全，傳講上主信息 ê 才能 mā 無完全；<sup>10</sup> 完全 ê 若到，無完全 ê tòh ē 消失去。

<sup>11</sup> 我做 gín'á ê 時，講話親像 gín'á，性情親像 gín'á，意見 mā 親像 gín'á。Ta<sup>n</sup> 我已經長大成人 ā，tòh ká gín'á ê tāichì lóng 放 sak。 <sup>12</sup> 咱 chit má 是對鏡 teh 看，霧霧無明，m̄ koh，到 hit 時 tòh ē 當頭對面，看 kah 清清楚楚。我 chit má ê 智識無完全，m̄ koh，到 hit 時 tòh ē 完全了解，tú 親像上主完全了解我全款。

<sup>13</sup> Ta<sup>n</sup> 信、òng 望、仁愛 chit 三項 ē 永遠存在，其中 siōng 重要 ê 是仁愛。